

ACTA 03/18

Expedient num.:	Òrgan col·legiat:
PLN/2018/3	Eth Plen

DADES DE CELEBRACION DERA SESSION

Tipus de convocatòria	Extraordinària
Data	26 d'abril de 2018
Durada	Des de es 10:00 enquia es 10:35 ores
Lòc	Sala de Plens
Presidida per	JUAN ANTONIO SERRANO IGLESIAS
Secretaria	PILAR HERVADA VIDAL

ASSISTÈNCIA ARA SESSION

Nòm e Cognòms	Assistis
AGUSTIN CALBETÓ ESCRIG – Grop Municipau de CDA-PNA	SÍ
ALBERTO LÓPEZ LÓPEZ - Grop Municipau d'UA	SÍ
ALEJANDRO MOGA VIDAL - Grop Municipau de CDA-PNA	SÍ
ANE MIREN ARTEAGA NAVARRO - Grop Municipau de C's	SÍ
ELENA VIDAL DIAZ - Grop Municipau d'UA	SÍ
JACINTO CUNY MOGA - Grop Municipau d'UA	SÍ
JUAN ANTONIO SERRANO IGLESIAS - Grop Municipau d'UA	SÍ
LUISA ESTEVEZ SANS - Grop Municipau de CDA-PNA	SÍ
MARIA VERGÉS PEREZ - Grop Municipau d'UA	SÍ
MONTSERRAT GARCIA ROCA -- Grop Municipau de CDA-PNA	SÍ
PAU PERDICES PLA - Grop Municipau de CDA-PNA	SÍ

RAMON GONZALEZ PUJOL - Grop Municipau d'UA	SÍ
RUFINO CAU MARTÍNEZ - Grop Municipau d'UA	NO

Dubèrta era session peth Sr.President e un còp comprovat pera Secretària era existència deth quòrum de besonh entà poder èster començada, se procedís a coneisher des ahèrs que seguissen inclodidi ena Orden deth Dia.

A) PART RESOLUTIVA

Expedient 972/2018. Aprobacion Distribucion superàvit exercici 2017

Favorable

Tipe de votacion:

Unanimitat des
presenti

Er Alcalde introdusis era prepausa e passe era paraula ath Tècnic de Compdabilitat Xavier Nou qu'explique qu'un còp barradi es compdes der exercici der an 2017, cau distribuïr eth superavit qu'a quedat d'un an entar aute talaments coma obligue era Lei D'Estabilitat Pressupostària e Sostenibilitat Financèra: coma que non auem cap de prèst, ne deutes, n'amortizacions, hèm eth promiei dera liquidacion des quate ans darrèri de çò que se podie destinar a Inversions Finançaerament Sostenibles. D'aguest promie se deduís que çò que se poderie destinar entar an 2018 serie era quantitat de 410.000€.

HÈTS:

1. Un còp aprovada era liquidacion der exercici 2017 cau tramitar er expedient dera distribucion deth superavit dera liquidacion der exercici 2017.
2. Er alcalde a resolutut iniciar er expedient de distribucion dera liquidacion atau coma encomanar ara secretaria e ara intervencion era emission des informes de besonh.
3. Era interventora a emetut informe favorable.
4. Era Comission Informativa d'Isenda a dictaminat favorablement.

HONAMENTS JURÍDICS

1. Er article 12.5 dera Lei organica 2/2012, de 27 d'abriu, d'Estabilitat pressupostària e sostenibilitat financera (LOEPSF) establis qu'es ingrèssi que s'obtinguen per dessus des previsti se destinaran exclusiuament a redusir eth nivèu de deute.
2. Er article 32.1 de LOEPSF dispause que s'era liquidacion presente superavit, aguest s'a de destinar a redusir eth nivèu d'endeutament net.

3. Era dispausacion addicionau siesau dera LOEPSF dispause qu'es entitats que non superen eth límit d'endeutament en matèria d'autorizacion d'operacions d'endeutament, que presenten superavit en tèrmes de comptabilitat nacionau, romanent de tresaureria positiu, un còp descomptat er efecte des mesures especiaus de finançament, que complissen damb eth periòde miei de pagament previst ena normatiua de morositat e que preveiguen ua capacitat de finançament ena liquidacion der exercici 2018 poderàn destinar, en prumèr lòc eth superavit a absorvir, se se da eth cas, despenes pendentes d'aplicar ath pressupòst e ara seguida, a finançar inversions financerament sostenibles tostem damb eth límit dera prevision de capacitat de finançament der exercici 2018, s'encara quede impòrt a distribuïr aquest se destinarà a redusir endeutament net.

4. Era dispausacion addicionau setzena deth Reiau Decrèt Legislatiu 2/2004, de 5 de març, qu'apròve eth Tèxte rehonot dera Lei reguladora des Isendes locals reule aquerò que s'enten per inversion financerament sostenible.

5. Er apartat 13.3.1 dera Nòta informativa sus tutela financera des ens locals en matèria d'estabilitat pressupostària e sostenibilitat financera de 14 de juliol de 2017 dera Direcció general de Política Financera, Assegurances i Tresor del Departament de la Vicepresidència i Economia i Hisenda de la Generalitat de Catalunya dispause, entre d'auti, qu'eth romanent de tresaureria entà despenes generaus positiu s'a de destinar, en foncion des recorsi liquids disponibles a sanear es obligacions pendentes d'aplicar ath pressupòst e ath compliment des compromisi de despena assumits pera existència de romanents de crèdits incorporables.

6. Er article 28.f dera Lei 19/2013, de 9 de deseme, de Transparéncia, accès ara informacion publica e bon govèrn dispause qu'ei ua infraccion molt greu er hèt de non complir damb era obligacion de destinar integrament es ingressi obtengudi per dessus des previsti en pressupòst ara reduccion deth nivèu de deute public de conformitat damb çò que previe er article 12.5 dera Lei organica 2/2012, de 27 d'abriu, d'Estabilitat pressupostària e sostenibilitat financera e er incompliment dera obligacion de destinar eth superavit pressupostari ara reduccion deth nivèu d'endeutament net d'acòrd damb çò que previe er article 32 e era disposicion siesau dera madeisha Lei.

Se prepausa era sua aprobacion e per unanimitat des presenti s'acòrde:

1. Aprovar er expedient de distribucion deth superavit dera liquidacion d'acòrd damb eth següent detalh:

Distribucion superavit	
Creditors per despenes pendents d'aplicar a pressupòst	0,00
Impòrt maxim d'Inversion financerament sostenible	410.000,00

Impòrt de liure disponibilitat	2.167.853,47
--------------------------------	--------------

2. Balhar compde d'aguest acòrd ara unitat d'Intervencion entà hèr es anotacions e assentament de besonh.

Expedient 954/2018. Aprobacion 2au. Modificacion de Crèdit e Inversions Financerament Sostenibles

Favorable

Tipe de votacion: Ordinària
A favor: 7, Abstencions: 5,

Er Alcalde en primèr lòc arregrais as servicis de Secretaria e Intervencion era preparacion der expedient qu'auiem pendent enquiara aprobacion deth Decrèt Estatau sus es inversions financèrament sostenibles e er excés de trabalh que les a supausat premanir aguesti expedients, passe era paraula ath tecnic de compdabilitat Xavier Nou qu'explique era prepausa d'acòrd.

Aguesta dusau modificacion deth pressupòst de 2018 se dividís en realitat en dus expedients, ua modificacion per suplementes de credit e ua auta per credits extraordinaris. Lèu ena sua totalitat se financen damb es remanents dera tresauseria entà despenes generaus, sonque i a ua petita part que correspon a ua subvencion deth Departament de Cultura dera Generalitat de Catalunya entara compra de mòbles tara Bibliotèca e se dan de baisha un seguit de credits que tanben financen era modificacion. Explique era inclosion de tres inversions sostenibles que non computen ena regla de despena. Eth capítol d'inversions represente practicament eth 60% deth totau dera modificacion de credit, un 32% se destine a despena correnta e era rèsta as capítols I e IV.

Er Alcalde explique qu'ath laguents d'aguest pecentatge deth 32% mos cau auer en compde qu'aguest iuèrn a hèt mau temps, fòrça complicat enes reparacions des accèssi as pòbles dera neteja de nhèu e reparacions des viaus an pujat pro. Ei tanben previst reparacions der hilat d'aigua e deth Software entà contòtlar es cloradors de toti es depòsits ja qu'era empresa damb era que se hège enquiara a presentat suspension de pagaments e tanben ei prevista ua partida entath sistèma de climatizacion deth Palai de Gèu pr'amor de corregir es problèms d'umitats e gotères per condensacion qu'auem. Se prevé ua partida entà un Plan Aucupacionau entà corbir es baishes dera Brigada d'Òbres e es trabalhs d'estiu. Ei previst er apartament dera Plaça d'Aran, damb eth compromís deth Conselh Generau d'Aran d'aportar ua subvencion de 160.000€ entà executar era òbra e que recuperam sòs, e un compromís d'ua subvencion dera Diputació entà inversions en Palai de Gèu. En aguesta modificacion era inversion ei fòrça considerable per çò que solliciti eth vist e platz de toti.

Pren era paraula eth Còsso deth Grop Municipau de CDA-PNA, Joan Pau Perdices Pla, que manifèste que per primèr còp en tres ans s'a hèt ua modificacion que trapam corrècta, non podem votar a favor mès si abstier-mos. Per primèr còp se hèn inversions coma cau. Ère preocupant que cad'an s'anaue aumentant era despena correnta, çò que complique eth foncionament futur d'aguesta institucion. S'an mantiengut es ingressi per que s'an pujat es impòsti coma er IBI e era taxa de manteniment der hilat d'aigua mès tanben s'an aumentat

es despenes correntes

En dusau lòc, eth Palai de Gèu, contunham dident que çò que se hec non ère era sollucion; CDA li dèc supòrt mès dempús de 2,5 ans ja vedem que va dera madeisha forma, eth dèficit entre ingrèssi e despenes ordinàries, provoquèc un dèficit creishent de 450.000€ , superior ath que i auie abantes. Non se volie municipalizar eth servici, didien que non auie vocacion er Ajuntament de gestionar-lo e portam 3 ans e s'està vedent era linha qu'en sòn moment non a estat era mès encertada, legau òc mès non estrategica e creiguem qu'ara pagam es consequéncias. Coma darrèra aportacion, evidentment ei ua modificacion politica deth darrèr an abantes des eleccions, que pensam qu'apunte a fòrça aspèctes diferenti e pensam que cau concertar mès es esfòrci. Non mos semblen pro es quantitats previstes entar skate-park e era sala polivalenta, Plaça d'Aran. Se tot çò se complís s'incomplirà era regla de despena o era establiat pressupostària, o andues causes. Demanam que s'açò se complís ena sua totalitat encara que s'incomplisque era règla de despena o era estabilitat pressupostària. Que la trapam injusta entà un Ajuntament coma aguest qu'a anat complint tostemp e sanejant.

Era Còsso deth Grop Municipau de C's, Ane Miren Arteaga, arregrais tota era explicacion prealabla ad aguest Plen, per'mor que veigui que tot eth mon ei fòrça preparat e sap de leis. Tròbi qu'ei de rigor auer d'invertir e reparar degut des despenes extraordinàries derivades der iuèrn patit. Balham supòrt totau ad aguesta modificacion,

Er Alcalde ditz que arregraisqui es paraules d'Ane e tanben es de Pau Perdices e era sua abstencion. En referéncia ath Palai de Gèu, portam tres ans e en eth prumèr an e miei se hec tot eth procés de passar d'ua empresa privada a ua gestion municipalizada e tanben auem estat metent orde ena installacion entà complir era normatiua, en tot adaptar es installacions ara normatiua entà poder licitar era gestion deth servici public. I a ua empresa interessada que harie ua inversion d'1,5 milions d'èuros damb 40 ans de concession e èm premanint es plecs entara sua licitacion. Contunham en aquera linha ja que gestionar er equipament de forma dirècte ei un problema entar Ajuntament. Arregair-li eth hèt de que se mos passam era regla de despena li semble ben. Era intencion ei complir tot çò previst. Era Sala Polivalenta se harà per fases; ara se resolerà çò mès de besonh qu'ei eth tet, entot dar mès lum e apraiar era entrada e lo d'aute se harà en fases successiues.

Manifèste Joan Pau Perdices qu'a dit ua causa que mos preocupe. Reaument s'era concession deth Palai de Gèu ei a tan long tèrme cau pensar se conven. Ei pòga era inversion entà tanti ans. Er Alcalde contèste qu'era intencion der Equip de Govèrn ei hèr gestion dirècta.

Se lieg era prepausa:

Er Alcalde explique era prepausa d'acòrd:

ANTECEDENTS

1. Peth Decrèt dera Alcaldia de data 11 d'abriu de 2018 s'inicia er expedient 954/2018 entara aprobacion dera modificacion de crèdit per miu de suplement de crèdit e crèdit

extraordinari nº 02/2018 e aprobacion d'inversions financerament sostenibles.

2. Eth Còsso d'Isenda, en data 13 d'abriu de 2018 a prepausat es partides e es impòrts que s'an de modificar.
3. Era Secretaria-Interventora a emetut informes favorables.
4. Era Comission Informativa d'Isenda a dictaminat favorablement.

HONAMENTS DE DRET

1. Era normativa juridica ei arremassada honamentaument en article 177 deth Reiau decret legislatiu 2/2004, de 5 de març, peth quau s'apròve eth Tèxte rehonut dera Lei reguladora des isendes locals e es articles 34 a 38 deth RD 500/1990.

2. Segontes era normatiua d'isendes locals e eth RD 500/90, quan calgue realizar bèra despena que non se pogue demorar enquiar exercici següent e en eth presupòst dera corporacion non i age credit o sigue insuficient o non ampliable, eth president a d'ordenar era incoaccion der expedient de concession de credit extraordinari o de suplement de credit.

Eth finançament se pòt realizar a cargue deth remanent liquid de tresaureria, damb nau ingressi sus ets totaus previsti en eth pressupòst corrent e metjançant anulacions de credits de despenes de d'autres partides non compromeses deth pressupòst vigent, es dotacions des quaus se considèren redusibles sense perturbacion deth respectiu servici.

3. Tanhent ara destinacion deth superavit pressupostari des Corporacions Locaus corresponent ar an 2017 se prorrògue entar an 2018 era aplicacion des regles contiengudes ena disposicion addicionau siesau dera Llei Orgànica 2/2012, de 17 d'abriu, d'Estabilitat Pressupostària e Sostenibilitat Financèra, e per tant calerà auer en compde era disposicion addicionau setzau deth tèxte rehonut dera Ley Reguladora de las Haciendas Locales aprovada per Real Decreto Legislativo 2/2004 de 5 de març. En supòsit qu'un projècte d'inversion financerament sostenible non pogue executar-se integrament en an 2018 se poderà compromèter e reconéisher en exercici 2019 en tot finançar-se damb cargue ath remanent de tresaureria de 2018 que quedarà afectat ad aguesta finauetat per aqueth impòrt e era Corporacion Locau non poderà incórrer en deficit ara fin der exercici 2019.

4. Segontes er article 22.2e e 47 dera Lei 7/1985, de 2 d'abriu, reguladora des bases deth regim locau, era aprobacion dera modificacion deth pressupòst ei competència deth Plen der Ajuntament per majoria simpla.

5. Cau auer en compde er article 165.1 deth TRLRHL, en relacion ar article 11 dera Lei Organica 2/2012, de 27 d'abriu, d'estabilitat pressupostària e sostenibilitat financèra (LOEPSF) en çò que hè ara elaboracion , aprobacion e execucion des pressupòsti e totes es actuacions qu'afecten as sues despenes e ingressi des Administracions Publiques, se sotmeterà ath principi d'estabilitat pressupostària

Per tant, se met a votacion e per majoria absoluta damb eth vòt a favor des dies (6) còssos deth Grop Municipau d'UA e eth vòt (1) a favor deth Grop Municipau de C's, e era abstencion des cinc (5) còssos deth Grop Municipau de CDA-PNA, s'acòrde:

Prumèr.- Aprovar er expedient 957/2018 tanhent ara modificacion de credit de suplement de credit e credit extraordinari numerò 2/2018, per un impòrt de 1.711.987,63 €, que cau finançar mejançant remanent de tresaureria entà despenes generaus, nau ingrèssi e baishes des creditd de partides de despenes; deth pressupòst vigent dera corporacion, d'acòrd damb eth detalh que seguís:

Despenes que cau finançar:

1/ Suplements de credit:

Partida	Nòm	Consignacion actuau	Propòsta d'increment	Consignacion definitiua
13400-16200	Formacion personau vigilants	500,00	1.500,00	2.000,00
13400-23020	Diètes vigilants	400,00	600,00	1.000,00
15100-12001	R.B. Funcionaris Grup A2 (Of. Tecnica)	4.564,00	2.019,00	6.583,00
15100-12100	Complement destin (F. Of. Tecnica)	8.978,96	913,85	9.892,81
15100-12101	Complement especific (F. Of. Tecnica)	19.294,66	2.761,78	22.056,44
15100-12103	Complement residència (F. Of. Tecnica)	1.127,62	132,09	1.259,71
15100-16000	S.S. Urbanisme	23.655,86	1.974,94	25.630,80
15100-22706	Estudis e trabalhs tecnicos	122.221,20	85.308,80	207.530,00
15310-21000	Mant. viaus publics	10.000,00	45.000,00	55.000,00
15320-21000	Manteniment viaus pblics	222.034,41	115.000,00	337.034,41
15320-21200	Manteniment bastisses viaus publics	5.000,00	3.000,00	8.000,00
15320-62500	Mobiliari urban	6.000,00	15.000,00	21.000,00
16100-21002	Manteniment e reparacions S. Aigües	30.000,00	25.000,00	55.000,00
16100-61900	"Cloració i sobreeixidor dipòsit aigua Vielha"	41.176,00	8.646,96	49.822,96
16100-61905	Inversions renauiment hilat d'aigua	9.032,87	4.184,42	13.217,29
16300-16000	S.S. Neteja viaus	21.787,81	12.240,00	34.027,81
16400-21008	Manteniment cementèris	9.000,00	15.000,00	24.000,00
16500-21003	Manteniment enlumenat public	15.000,00	4.000,00	19.000,00
17100-21007	Jardineria	7.000,00	20.000,00	27.000,00
32300-13100	R.B. Laborau temporau escòla mairau	52.432,38	9.941,61	62.373,99
32300-16000	S.S. a cargue Ajuntament	57.786,83	3.300,00	61.086,83
33210-22001	Prensa, revistes libres bibliotèca	5.100,00	5.000,00	10.100,00
33400-22609	Actes culturaus	71.394,33	12.000,00	83.394,33
33400-22706	Estudis e trabalhs tecnicos	1,00	17.000,00	17.001,00

	P.O.C.T.E.F.A.			
33400-48002	Conveni Agrupacion Recreativa P.F.M	13.303,36	51,12	13.354,48
33701-21200	Manteniment Casau deth Jubilat	4.000,00	5.000,00	9.000,00
34100-48000	Subvencions Entitats esportives	6.656,00	3.000,00	9.656,00
34200-21200	Manteniment installacions Esportives	9.000,00	4.000,00	13.000,00
34200-22199	D'auti subministraments instal. Esport.	15.000,00	3.000,00	18.000,00
34201-13100	R.B. Laborau temporau Palai de Gèu	61.763,26	6.604,20	68.367,46
34201-16000	S.S. Palai de Gèu	104.653,54	2.641,68	107.295,22
34201-20300	Loguèr maquinària, instal. Palai de Gèu	1.800,00	10.000,00	11.800,00
34201-21300	Manteniment maquinària Palai de Gèu	10.000,00	35.344,10	45.344,10
34201-22103	Combustibles Palai de Gèu	67.000,00	20.000,00	87.000,00
34201-22602	Publicitat e propaganda Palai de Gèu	1.866,02	5.000,00	6.866,02
34201-22609	Actiuetats esportives Palai de Gèu	13.600,00	20.000,00	33.600,00
34201-22700	Neteja Palai de Gèu	980,00	16.000,00	16.980,00
43200-22602	Publicitat e propaganda Torisme	18.637,50	5.000,00	23.637,50
43200-22699	D'utes despenes Torisme	64.981,25	36.000,00	100.981,25
92000-13100	R.B.Laborau Temporau Administracion	10.129,42	12.362,00	22.491,42
92000-16000	S.S. Administracion	61.780,33	3.807,00	65.587,33
92000-21200	Manteniment edificis municipaus	18.000,00	15.000,00	33.000,00
92000-22701	Prevencion riscs laboraus e extintors	9.744,00	4.585,85	14.329,85
92000-22706	Estudis e trabalhs tecnicos	7.479,95	8.872,00	16.351,95
TOTAU.....			625.791,40	

2/ Credits extraordinaris:

Partida	Nom	Propòsta de Consignacion
15320-22799	Trabalhs realizadi per d'utes empreses (Control GPS)	5.000,00
15320-61906	Melhora hilat esgotaders e aigua potabla C/ Bergàs	88.674,59
15320-61910	Adequacion Prat de Teixineret	21.842,00
15320-61911	Substitucion hilat aigua e apraiament trepaders C/ Montcorbison.	109.069,91
15320-61914	Urbanizacion Plaça d'Aran	190.000,00
15320-61915	Conservacion deth parcatge Plaça Generalitat	97.341,24
15320-62401	Adquisicion veïcul Brigada d'Òbres	25.000,00
15320-63203	Reforma Husteria Cap dera Vila	50.000,00
16100-62901	Contròtle cloradors depòsits d'aigua	50.000,00

16300-13100	R.B. Personau laborau temporau	30.513,84
16300-60907	Casetes husta depòsits contenedors	10.000,00
23100-22706	Estudis e trabalhs tècnics – Plan d’Igualtat	3.000,00
24100-13100	R.B. Personau Temporau	30.000,00
24100-16000	S.S. a cargue Ajuntament Personau Temporau	12.000,00
33210-62503	Mobiliari Bibliotèca	5.114,10
33300-62903	Complements d’enllumenat Era Audiovisuau	3.341,66
33400-46502	Conselh Generau d’Aran - Plan de Joenessa	5.000,00
33700-63205	Reabilitacio antic aucidèr – Cahuatge	50.000,00
34200-62203	Installacion pista Skate	22.941,47
34200-63206	Reforma sala polivalenta	180.000,00
34200-60909	Pista poliesportiva exteriora	18.000,00
34201-13002	Indemnizacion Judith Puntas	15.756,52
34201-22706	Estudis e trabalhs tecnicos Palai de Gèu	5.000,00
34201-63901	Sistèma climatizacion Palai de Gèu	47.711,04
91200-23300	D’autres indemnizacions – Àlex Moga	1.839,86
92000-24000	Despenes publicacions	9.050,00
TOTAU.....		1.086.196,23

Totau d’auti credits	1.711.987,63
-----------------------------------	---------------------

2.3. Agustes despenes se finançaran mejançant es recorsi que següissen: Remanent de tresaureria entà despenes generau, generacion de nauí ingressi e baishes des credits de partides de despenes deth pressupòst vigent dera corporacion.

Detalh deth corresponent finançament

1. Remanent líquid de tresaureria:

Remanent líquid de tresaureria non afectat e disponible (Suplement de credit)	613.551,40
Remanent líquid de tresaureria non afectat i disponible (Crèdit extraordinari)	1.052.614,39
Total Remanent líquid de tresaureria.....	1.666.165,79

2. Baishes des credits de partides de despenes.

Partida	Nòm	Consignaciona ctuau	Propòsta baisha	Consignacion definitiua
16300-22799	Neteja viaus (Contracte de Serveis)	145.200,00	42.753,84	102.446,16

Total baixes credits de partides de despenes.....	42.753,84
---	-----------

3. Generacion de nauí ingrèssi.

Partida	Nòm	Ingrès
7508000	Generalitat: O.S.I.C. Mobiliari Biblioteca	3.068,00
Total nauí ingressos.....		3.068,00

Total finançament	1.711.987,63
-------------------------	--------------

Segon.- Aprovar es inversions que seguissen coma inversions financèrament sostenibles:

Partida	Nòm	Impòrt
15320-61915	Conservacion deth parcatge Plaça Generalitatt	97.341,24
15320-61911	Substitucion hilat d'aigua e apraiament de trepaders C/ Montcorbison.	109.069,91
15320-61906	Milhora hilat esgotaders e aigua potabla C/ Bergàs	88.674,59
Total import.....		295.085,74

Tresau.- Exposar ath public aquest expedient, pendent eth plaç reglamentari de quinze dies abils, mejançant un edicte en taulèr d'anoncis e eth Butllí Oficial de la Província. Se non se presente cap reclamacion, er acòrd esdevierà definitiu. Ara contra, eth Plen disposarà deth plaç d'un mes a compdar des dera finalizacion deth periode d'exposicion publica, entà resolver-les

DOCUMENT SIGNAT ELECTRÒNICAMENT